

归田录

渑水燕谈录

宋·王辟之
欧阳修著
上海书店

宋人小说

《宋人小说》之十二

渑水燕谈录
归田录

宋·王辟之著
欧阳修

上海书店

本书据涵芬楼旧版影印

澠水燕谈录·归田录
宋人小说之十二

宋·王辟之 欧阳修著

上海书店出版

(上海福州路401号)

新华书店上海发行所发行

上海浦江印刷厂印刷

开本 787×1092 毫米 1/32 印张 7 1/8

1990年9月第一版 1990年9月第一次印刷

印数 00061—2000

ISBN 7-80569-266-1/I·81

定价: 3.60 元

澠水燕談錄

據黃堯圃校宋本

澠水燕談錄序

澠水談者齊國王闢之將歸澠水之上治先人舊廬與田夫樵叟閒燕而談說也余登科從仕行三十年矣日欲退居故國而爲貧未果今且老矣仕不出乎州縣身不脫乎飢寒不得與聞朝廷之論史官所書閒接賢士大夫談議有可取者輒記之久而得三百六十餘事私編之爲十卷蓄之中橐以爲南畝北窓倚杖鼓腹之資且用消阻志遺餘年耳澠齊水之名其事隨所錄得之故無先後之序紹聖二年正月甲子序

前人記賓朋燕語以補史氏者多矣豈特屑屑記錄以爲談助而已哉齊國王闢之聖塗余同年進士也從仕已來每於燕閒得一嘉話輒錄之凡數百事大抵進忠義尊行節不取怪誕無益之語至於賦詠談謔雖若瑣碎而皆有所發讀其書亦足知所存矣元祐四年予來守蒲聖塗方爲邑河東因得其錄而觀之十二月朔

昌邑滿

黃校誤作滿案蘇子瞻有次
韻答滿思復詩此作滿是

中行思復碧莎廳題

澗水燕談錄目錄

齊國王闢之聖塗

卷第一

帝德

十八事

讜論

十一事

卷第二

名臣

五十事

卷第三

知人

四事

奇節

十三事

卷第四

忠孝

十五事

才識

十三事

高逸

二十二事

卷第五

官制

二十七事

卷第六

貢舉

十四事

文儒

書籍附共十四事

先兆

二十一事
一事未全 內

卷第七

歌詠

二十四事

書畫

十一事

卷第八

事誌

三十六事

卷第九


雜錄 三十六事

卷第十

談謔 二十三事

稗海所刻澗水燕談錄十卷缺第十卷談謔一則以第四卷分作兩卷符十卷之數又缺序目非足本也是冊乃虞山趙清常家藏本前有王聖塗自序同年進士滿中行題語其第十卷從宋雕錄出餘各卷較稗海又多三十一條粲然完備亦可喜也癸丑季春兩窗李北苑題於京邸之鷗舫

澗水燕談錄目錄



澗水燕談錄卷第一

齊國 王 闢之 聖塗

帝德

凡十八事○黃校作十七事

西都北寺應天禪院乃太祖誕聖之地國初爲傳舍眞宗幸洛陽顧瞻遺迹徘徊感愴乃命建爲僧舍功成賜院額奉安神御命知制誥劉筠誌之仁宗初又建別殿分二位塑太宗眞宗聖像丞相王欽若爲之記後園植牡丹萬本皆洛中尤品慶歷末仁宗御篆神御三殿碑藝祖曰興先太宗曰帝華眞宗曰昭孝今爲忌日行香地去留府甚遠故詩曰正夢寐中行十里此之謂也

開寶中教坊使魏某年老當補外援後唐故事求領小郡太祖曰伶人爲刺史豈治朝事尙可法耶第令於本部中遷叙乃以爲太常太樂令

黃校本與下條連接

清金卷一
與國中張觀樂史鑠廳合格不得進士第止以爲幕職官太宗之
愛惜科名如此

慶歷中郎官呂覺者勘公事已回登對自陳衣絰已久乞改章服

仁宗曰待別差遣與卿換章服

二字原本作金紫從黃校改庫本同
黃校下脫朕字說郭悉與黃校同

朕不欲

因鞠獄與人恩澤慮刻薄之徒望風希進加人深罪耳帝寬厚欽
恤之德如此廟號曰仁不亦宜乎

明道二年二月十一日仁宗行籍田禮

原本有上字從黃
校刪庫本同黃校

就耕位侍中

奉耒進御上播耒秉耒三推禮儀使奏禮成上曰朕旣躬耕不必
泥古顧終畝以勸天下禮儀使復奏上遂耕十有二畦翌日作籍
田禮畢詩賜宰臣已下和進尋詔呂文靖公編爲籍田記時許開
封國學舉人陪位因得免解

寶元康定閒西方用兵急於邊用言利者多摺摭細微頗傷大體
仁宗厭之乃詔曰議者並須究知本末審可施用

原本作行從黃校
改庫本同黃校

若

事已上而驗白無狀者事效不著當施重罰於是輕肆者知畏而不敢妄冒利害也

仁宗朝南劍州上言石碑等銀鑲可發上謂三司使曰但不害民則爲國利

原本作利國使黃校

或於民有害豈可行也上之恤愛元元至

矣

晁文元公適在翰林以文章德行爲仁宗所優異帝以君子長者

稱之天禧初因草詔得對命坐賜茶既退已昏夕真宗顧左右取

燭與學士中使就御前取燭執以前導之出內門傳付從使

原本作史庫本

作史庫本

後曲燕宜春殿出牡丹百餘盤千葉者纔十餘朵所賜止親

王宰臣真宗顧文元及錢文僖各賜一朵又常侍宴賜禁中名花

故事惟親王宰臣卽中使爲插花餘皆自戴上忽顧公令內侍爲

戴花觀者榮之其孫端稟嘗爲余言

咸平三年大理寺上言曰本寺案牘未決者常幾百事近日逾月

並無公案漢文決死刑四百唐太宗決死罪三百史臣書之以爲刑措今以四海之廣而奏牘不聞動輒逾月足以知民識禮義而不犯于有司也請載之史筆

祥符中諸王有以翰林使醫有效乞除遙郡真宗曰醫之爲郡非治朝美事厚賜之可也仍令宰相諭此意

真宗一日晚坐承明殿召學士對既退中人就院宣諭曰朕適忘御袍帶卿無訝焉學士將降謝中人止之云上深自媿責有旨放謝真宗禮遇詞臣厚矣

太祖討平諸國收其府藏貯之別府曰封樁庫每歲國用之餘皆入焉嘗語近臣曰石晉割幽燕諸郡以歸契丹朕憫八州之民久陷夷虜俟所蓄滿五百萬緒遣使原本有贈字從黃校刪庫本同黃校北虜以贖山後諸郡如不我從卽散府財募戰士以圖攻取會上卽位二字原本作晏駕庫本同從黃校改乃寢後改曰左藏庫今爲內藏庫

太祖登極數年石守信等猶典禁衛趙忠獻屢請于上授以他任上乃曲燕守信等道舊甚懽從容曰朕與卿等義均手足豈有他耶而言者累及之卿等各自擇善地出就藩鎮租賦之入奉養甚厚優游卒歲不亦樂乎朕有數女與卿結親庶無閒耳皆感稱謝於是諸帥歸鎮或有至二十餘年者常富貴榮寵極于一時前代之保全功臣無以過也

此條商本無

真宗嘗諭宰臣一外補郎官稱其才行甚美俟罷郡還朝與除監司及還帝又語及之執政擬奏將以次日上之晚歸里第其人來謁明日只只字從黃校補以名薦奏上默然不許察所以乃知已爲伺察密報矣終真宗朝其人不復進用真宗惡人奔競如此

慶歷中滕子京守慶州屬羌數千人內附滕厚加勞遺以結其心御史梁堅言滕妄費公庫錢仁宗曰邊帥以財利啗蕃部此李牧故事安可加罪

仁宗朝流內銓引改京官人李師錫上覽其薦者三十餘人問其

族系乃知丞相王德用

黃校誤作與南本同

甥壻上曰保任之法欲以盡天下

之才

黃校作材庫本同

今但薦勢要使孤寒何以進止與師錫循資后翰林

學士胡宿子宗堯磨勘以保官亦令循資帝之照見物情抑權勢

進孤寒聖矣

英宗治平中燕國惠和公主下降王師約異時尙主之家例降昭穆一等以爲恭帝疾之曰此廢人倫之序不可以爲法思有以厚風俗亟命正之尙未遑著于令及神宗踐阼乃詔公主出降皆行見舅姑禮是時師約父克臣爲開封府判官前一日中使促就第受主見行盥饋禮禮成遂大設樂天下榮之三宮嬪御還者莫不嗟歎近姻貴戚相與震動以爲天姬之貴尙執行婦道蓋自惠和始耳唐南平公主下降王珪之子珪坐令親執筭行盥饋之禮曰吾豈爲身榮所以成國家之美耳唯我祖宗首正王化穆然成風